



সমাজকল্যাণ বার্তা

সমাজসেবা অধিদফতরের মাসিক মুখপত্র

রেজি নং : ৭৩/৭৬

বর্ষ ১৪ সংখ্যা ১

মে ২০২২

মাননীয় প্রধানমন্ত্রীর ডিজিটাইজেশন: G2P



মাননীয় প্রধানমন্ত্রী শেখ হাসিনা সামাজিক সুরক্ষা কার্যক্রমকে লক্ষ্যভিত্তিক, স্বচ্ছ ও জবাবদিহিমূলক করার জন্যে ১৪ জানুয়ারি ২০২১ তারিখে জিটুপি (গভর্নমেন্ট টু পার্সন) পদ্ধতিতে ভাতা বিতরণ কার্যক্রমের শুভ উদ্বোধন করেন।

ডিজিটাল বাংলাদেশ ভিশন ২০২১ বাস্তবায়নের লক্ষ্যে সমাজসেবা অধিদপ্তর ২০১৬ সালে ভাতাভোগীর ডিজিটাল তথ্য ব্যবস্থাপনার জন্য Management Information System- MIS তৈরি করে এবং mis.bhata.gov.bd তে সারাদেশের সকল ভাতাভোগীর তথ্য সন্নিবেশ করা হয়। ২০১৮ সালে ৫ টি জেলার ১১ উপজেলায় এবং ২০১৯-২০ অর্থবছরে ২১ টি জেলার ৭৭ টি উপজেলায় ১১.২৩ লক্ষ ভাতাভোগীকে জিটুপি পদ্ধতিতে এজেন্ট ব্যাংকিং এর মাধ্যমে ভাতার অর্থ পরিশোধের মাধ্যমে এ কার্যক্রমের সূচনা ঘটে।

২০২১-২২ অর্থবছরে ৬৪ টি জেলার ১ কোটি ৪ লক্ষ ৪৭ হাজার ভাতাভোগীকে জিটুপি পদ্ধতিতে মোবাইল ফিন্যান্সিয়াল সার্ভিস 'নগদ' ও 'বিকাশ' এর মাধ্যমে সারাদেশের ভাতাভোগীর মাঝে ভাতার অর্থ পরিশোধ করা হচ্ছে। মোবাইল ফিন্যান্সিয়াল সার্ভিস বা এজেন্ট ব্যাংকিং এর মাধ্যমে ভাতার অর্থ উত্তোলন করায় ভাতাভোগীগণের সময়, অর্থ ও শ্রম উল্লেখযোগ্য পরিমাণে হ্রাস পেয়েছে ও পাচ্ছে। অনলাইনে (mis.bhata.gov.bd/online Application) যে কোন যোগ্য ব্যক্তি নিজে বা তার পক্ষে যে কেউ যে কোন স্থান থেকে কম্পিউটার বা এন্ড্রয়েড ফোন ব্যবহার করে ভাতার জন্য আবেদন করতে পারবেন। এছাড়া জাতীয় তথ্য সেবা নম্বর ৩৩৩ (টোল ফ্রি) কল করেও ভাতার জন্য আবেদন করা যায়।

সংখ্যায় যা থাকছে

- ডিজিটাইজেশন: G2P তে সমাজসেবা
- প্রশাসনিক বার্তা
- প্রান্তিক শিল্প প্রদর্শনী ও বিপণন কেন্দ্র
- শিশুর সহায়তায় ফোন ১০৯৮
- জটিল রোগে সমাজসেবার আর্থিক সহায়তা
- জাগরণী সপ্তাহ ক্ষুদ্রঋণ
- সাফল্যগাঁথা
- সমাজসেবা অধিদফতর এর বিভিন্ন কার্যক্রম এর চিত্র

প্রশাসনিক বার্তা

মুজিববর্ষে প্রশাসন শাখা

মুজিব বর্ষ উপলক্ষে সমাজসেবা অধিদফতরের প্রশাসন শাখার অন্যতম উদ্যোগ ছিলো মানব সম্পদ ব্যবস্থাপনা শীর্ষক সফটওয়্যার উন্নয়ন ও বাস্তবায়ন। এই সফটওয়্যার বাস্তবায়নের অন্যতম উদ্দেশ্য সমাজসেবা অধিদফতরের কর্মরত সকল কর্মকর্তা/ কর্মচারীর যাবতীয় তথ্য সম্বলিত ডেটাবেজ প্রণয়ন। ফলে অতিসল্প সময়ে যেকোন প্রয়োজনীয় প্রতিবেদন প্রস্তুতকরণ সম্ভব যা প্রশাসনিক গতিশীলতা বৃদ্ধিতে সহায়ক ভূমিকা পালন করবে। ইতোমধ্যে উক্ত মানব সম্পদ ব্যবস্থাপনা সফটওয়্যার (HRMS) বাস্তবায়ন হয়েছে।

জাতীয় সামাজিক নিরাপত্তা কৌশল বাংলাদেশ, এর প্রস্তাবিত সংস্কারের ভিত্তিতে সমাজসেবা অধিদফতরকে শক্তিশালীকরণের লক্ষ্যে যুগপোযোগী অর্গানোগ্রাম প্রণয়ন ও নিয়োগবিধি সংশোধনের কার্যক্রম চলমান। এর ধারাবাহিকতায় ইতোমধ্যে বিভিন্ন ক্যাটাগরির ৮২০ টি পদ জনপ্রশাসন মন্ত্রণালয় অনুমোদন দিয়েছে। মুজিববর্ষে ইতোমধ্যে ১ম শ্রেণীতে ৮৭ জন, ৩য় শ্রেণীতে ৩৩৩ জন এবং ৪র্থ শ্রেণীতে ২৬৯জন নিয়োগ দেয়া হয় এবং ১ম শ্রেণীতে ১৯ জন, ২য় শ্রেণীতে ১১০ জন ৩য় শ্রেণীতে ৯৬ জন পদোন্নতি দেয়া হয়েছে। আবার সকল শূন্য পদ পূরণের কার্যক্রম চলমান রয়েছে। অন্যদিকে স্থায়ীকরণ, নিয়মিতকরণ, ও ল্যামগ্রান্ট মঞ্জুরসহ প্রশাসন শাখা থেকে বাস্তবায়িত যাবতীয় কাজ সহজীকরণ করা হয়েছে।



